

page :

M043

條目：

《持世經》[之二]

內容：

4、本經立：無色界有色義（二・650 上）

「三界但皆是識」（二・649 中）

「是心從本已來，不生不起，性常清淨，客塵煩惱染故有分別。心不知心心不見心，何以故？是心空，性自空故，根本無所有故。……如是思惟時，不得心垢相，不得心淨相，但知是心常清淨相」（三・658 下）

「出世間五根。」（三・659 中）

5、重出家行（四・663 下）

6、跋陀婆羅、伽羅訶達多等五百人」護法（四・644 下～665 下）

「五濁惡世」，諸佛稱歎釋尊。「我今雖得阿耨多羅三藐三菩提，精進猶不休息，至涅槃時，猶發精進，碎身骨如芥子，解散肢節。何以故？憐憫未來世眾生故。……碎身舍利，普使分布」（一・645 上）

出處：

4、本經立：無色界有色義（二・650 上）

※參見《持世經》卷 2〈五陰品 2〉(CBETA, T14, no. 482, p. 649, c26- p. 650, a9)：

「持世！是五受陰微細生滅相者，所謂先五受陰滅，次第無物有至胎，識初合時五陰即有生滅，因歌羅羅五受陰假名為人。所以者何？持世！**識無所依則不能住，識所依者五受陰是**。持世！又無色界中諸天，五受陰細微生滅相亦應如是知。

「持世！如是細微五受陰生滅相，辟支佛智慧所不能及，何況聲聞智慧？惟諸佛如來善知五受陰，**從初入胎細微生滅相，及無色天諸陰念念生滅**，所謂一切智慧，出一切世間智慧。菩薩摩訶薩得無生法忍，至佛慧境界，是人雖如是觀察選擇五受陰細微相，從初入胎乃至無色天，亦不能究盡如諸佛所知。

「三界但皆是識」（二・649 中）

※參見《持世經》卷 2〈五陰品 2〉(CBETA, T14, no. 482, p. 649, b1-14)：

「菩薩爾時作是念：『世間甚為狂癡，所謂從憶想分別識起於世間，與心意識合，**三界**

但皆是識，是心意識亦無形無方，不在法內不在法外。凡夫為虛妄相應所縛故，於識陰中貪著若我若我所，是人貪著識陰在內，貪著識陰在外，貪著識陰在內外，貪著識陰在彼我，是人貴此識陰，為識陰所縛，受識陰味，說識陰相，所謂若心若意若識，隨味行故貪受識陰，是人為識所縛，識陰合故為心意識所牽。以心意識因緣力故生是凡夫，若起下思得下身，若起上思得上身，若起中思得中身，是人隨心意識力故生，依止諸入，貪著識陰故，不脫生老病死憂悲苦惱。』

「是心從本已來，不生不起，性常清淨，客塵煩惱染故有分別。心不知心心不見心，何以故？是心空，性自空故，根本無所有故。……如是思惟時，不得心垢相，不得心淨相，但知是心常清淨相」（三·658 下）

※參見《持世經》卷 3〈四念處品 6〉(CBETA, T14, no. 482, p. 658, b22-c21)：

「持世！何謂菩薩摩訶薩順心觀心？菩薩摩訶薩觀心生滅住異相。如是觀時作是念：『是心無所從來亦無所去，但識緣相故生，無有根本無一定法可得，是心無來無去無住異可得。是心非過去未來現在，是心識緣故從憶念起，是心不在內不在外不在中間。是心無一生相，是心無性無定，無有生者無使生者，起雜業故說名為心。能識雜緣故說名為心，念念生滅相續不斷故，說名為心，但令眾生通達心緣相故。心中無心相，是心從本已來不生不起性常清淨，客塵煩惱染故有分別。心不知心亦不見心。何以故？是心空，性自空故，根本無所有故。是心無一定法，定法不可得故。是心無法若合若散，是心前際不可得，後際不可得，中際不可得，是心無形無能見者，心不自見，不知自性。但凡夫顛倒相應，以虛妄緣識相故起。是心空無我無我所，無常無牢無堅，無不變異相。』如是思惟，得順心念處。是人爾時不分別是心是非心，但善知心無生相，通達是心無生性。何以故？心無決定性，亦無決定相。智者通達是心無生無相，爾時如實觀心生集沒滅相，如是觀時，不得心若集相若滅相，不復分別心滅不滅，而能得心真清淨相。」

「菩薩以是清淨心，客塵所不能惱。何以故？菩薩見知心清淨相，亦知眾生心清淨相，作是念：『心垢故眾生垢，心淨故眾生淨。』如是思惟時，不得心垢相，不得心淨相，但知是心常清淨相。持世！菩薩摩訶薩如是順心觀心。」

「出世間五根。」（三·659 中）

※參見《持世經》卷 3〈五根品 7〉(CBETA, T14, no. 482, p. 659, b5-17)：

「持世！何謂菩薩摩訶薩善知諸根？菩薩摩訶薩正觀出世間五根。何等五？所謂信根、精進根、念根、定根、慧根。菩薩修習五根時，信一切法皆從眾因緣生，顛倒所起虛妄緣合，似如火輪又如夢性。信一切法無常苦不淨無我，如病如瘡無有堅牢，虛偽不實敗壞之相。又信一切法虛妄無所有，猶如空拳如虹雜色誑於小兒，憶想分別假借而有，無有本體無一定法。又信一切法，非過去非未來非現在，信一切法無所從來亦無所去，信一切法空無相無作，信一切法無生無作無起無相離諸相，而信持戒清淨，禪定清淨，智慧清淨，解脫清淨，解脫知見清淨。」

5、重出家行（四・663 下）

※參見《持世經》卷 4〈本事品 11〉(CBETA, T14, no. 482, p. 663, c9-p. 664, a1)：

「是閻浮檀金須彌山王佛入涅槃時，為持法故，護念寶光菩薩。佛滅度後法住一劫，是人於是一劫，**五百世中常生人間出家學道**，亦常於是諸法實相得自增長，亦復利益無量無邊眾生。

「持世！是寶光菩薩，如是展轉得值萬億諸佛，末後無量光佛為其授記，過阿僧祇劫當得阿耨多羅三藐三菩提。於阿僧祇劫中更值百千萬億那由他諸佛，後得阿耨多羅三藐三菩提成佛，號一切義決定莊嚴如來、應供、正遍知、明行足、善逝、世間解、無上士、調御丈夫、天人師、佛、世尊。有無量無邊阿僧祇菩薩眾，無量聲聞僧，佛壽二劫，其佛國土豐樂安隱普皆莊嚴。

「持世！是故菩薩若欲得如是法中善知方便，當勤行精進勤求，讀誦修集如是之法。又復菩薩摩訶薩欲得如是諸法方便故，於四法中勤行精進。何等為四？一者**出家**、二者獨行、三者持戒清淨、四者除懈怠心，是為四。菩薩有是四法，勤求多聞安住忍辱，當疾得值遇四法。何等四？一者生中閻浮提、二者得值佛、三者隨法行、四者除罪業障，是為四。」

6、跋陀婆羅、伽羅訶達多等五百人」護法（四・644 下～665 下）

※參見《持世經》卷 4〈本事品 11〉(CBETA, T14, no. 482, p. 664, c25-29)：

「爾時，**跋陀婆羅伽羅訶達多**菩薩等為上首，從坐而起，向佛合掌。白佛言：「世尊！我等於佛滅後後五百歲法欲滅時，我等當為守護如是等經，勤行精進讀誦聽受，亦當復為他人廣說。」

※參見《持世經》卷 4〈本事品 11〉(CBETA, T14, no. 482, p. 665, a9-18)：

佛告阿難：「汝見此等菩薩發大誓願，後世護持如是甚深無染污法不？阿難！是諸菩薩非但今世發是誓願。阿難！我念是諸菩薩於無量無邊諸佛所，發如是誓願，三時護持諸佛之法，亦能利益無量眾生。今者亦復三時護持我法，於今現在及我滅後法欲滅時，亦大利益無量眾生。持世！如**跋陀婆羅等**，三時護持我法，亦復於此賢劫之中，三時護持諸佛之法，亦於未來諸佛所，三時護持如是之法。」

※參見《持世經》卷 4〈本事品 11〉(CBETA, T14, no. 482, p. 665, b23-c3)：

「阿難！是跋陀婆羅等，為與眾生佛樂、一切智慧樂故勤行精進。阿難！若人實說：『何等是諸菩薩父母、救、舍、依、洲、生？』諸菩薩當說是**跋陀婆羅伽羅訶達多等五百菩薩**是。

「阿難！若人實問：『何等是諸菩薩種？』當言跋陀婆羅伽羅訶達多等五百人是。如是善男子等，為不斷佛種、不斷一切智慧種故，住於世間。是善男子等，亦於後世後五

百歲，以是教化方便力故，以樂因緣令諸眾生不墮三惡道中，亦令無量百千眾生住菩薩乘。」

「五濁惡世」，諸佛稱歎釋尊。「我今雖得阿耨多羅三藐三菩提，精進猶不休息，至涅槃時，猶發精進，碎身骨如芥子，解散肢節。何以故？憐憫未來世眾生故。……碎身舍利，普使分布」（一・645 上）

※參見《持世經》卷 1〈初品 1〉(CBETA, T14, no. 482, p. 645, a7-23)：

「諸善男子！是賢劫中諸佛出世，無不讚我，作如是言：『釋迦牟尼佛深行精進如是，釋迦牟尼佛具足精進如是，釋迦牟尼佛具足精進波羅蜜如是。釋迦牟尼佛行菩薩道時，教化眾生如是，出於五濁，利益無量阿僧祇眾生。』諸善男子！如是行道故，應勤生欲、精進、不放逸。」

「諸善男子！我今雖得阿耨多羅三藐三菩提，精進猶不休息，至涅槃時猶發精進，碎身骨如芥子解散支節。何以故？憐愍未來世眾生故。我先世行菩薩道時，所化眾生或行錯謬墮諸難處，欲勉濟之起大悲心，分布舍利乃至如芥子皆與神力。我滅度後，若有眾生應以舍利度者心得清淨，得清淨已，處處地中隨願成就。」

「諸善男子！我先世行道時，於眾生中成就如是悲心，碎身舍利普使分布，是我本願。我以如是無量福德因緣大悲心故，於後惡世普覆眾生。」

條目：

《梵志女首意經》

內容：

《佛說梵志女首意經》(14) 竺法護譯

1.《有德女所問大乘經》 菩提流志譯

1、在鹿苑：說初轉十二緣起法輪，以空義說之。受記。

2、阿難侍。1.作阿逸多。

出處：

1、在鹿苑：說初轉十二緣起法輪，以空義說之。受記。

※參見《佛說梵志女首意經》卷 1 (CBETA, T14, no. 567, p. 939, c2-3)

世尊告女：「以十二事緣起之法而轉法輪。」

※參見《佛說梵志女首意經》卷 1 (CBETA, T14, no. 567, p. 940, b2-5)

世尊告曰：「如是！如是！誠如所云，吾所轉輪為轉空輪，所轉法輪不可思議，所轉法

輪不可稱限，其可轉輪無量無獲，無形無生，為滅度也。」

※參見《佛說梵志女首意經》卷 1 (CBETA, T14, no. 567, p. 940, b21-c4)

佛言：「是女以斯德本護己安人，多所救攝，壽終之後當轉女身，至八十四億劫，不歸惡趣，供養六萬諸佛世尊，出家為道，志于沙門，聽受經法。受經法已，即時諷誦，將御如來現在正法，佛滅度後供養舍利，勸化無數無量眾生，不可計會，使立無上正真之道，最於後世窮竟劫已，於三千大千，即當速得無上正真之道，成最正覺，劫名寶明，佛號寶光如來、至真、等正覺、明行成為、善逝、世間解、無上士、道法御、天人師，為佛、眾祐。其佛當壽具足一劫，為難計量群黎之壽，勸發道教而逆長益，後至無餘於泥洹界而取滅度。」

2、阿難侍。1.作阿逸多。

※參見《佛說梵志女首意經》卷 1 (CBETA, T14, no. 567, p. 939, b12-14)：

爾時世尊，晨旦整服，持鉢入城而福一切。賢者阿難侍如常儀，大聖則入波羅奈大城，普次街里向梵志門。

※參見《有德女所問大乘經》卷 1 (CBETA, T14, no. 568, p. 940, c29-p. 941, a2)：

爾時，世尊食時著衣持鉢，共阿逸多菩薩摩訶薩，入波羅奈大城乞食，於其城中次第行乞，至有德婆羅門女家。

條目：

《堅固女經》

內容：

《佛說堅固女經》(14) 那連提耶舍譯

女與舍利弗共論，顯大乘勝而聲聞劣。——發心，修行，成佛，化眾。

授記。

出處：

※參見《佛說堅固女經》卷 1 (CBETA, T14, no. 574, p. 947, a11-p. 948, b9)。

條目：

《修多羅王經》

內容：

《佛說大方等修多羅王經》(14) 菩提流支譯

1.《佛說轉有經》 佛陀扇多譯

2.《佛說大乘流轉諸有經》 義淨譯

前滅後生，心心相續，如幻夢性空——為頻婆娑羅王說。

出處：

※參見《佛說大方等修多羅王經》卷1 (CBETA, T14, no. 575, p. 948, c3-11)：

爾時，世尊即告頻婆娑羅王言：「大王！如人夢中見於眾人，與諸婬女共相娛樂。此人覺已，憶念夢中眾人婬女。大王！於意云何？如是夢中眾人婬女，為有實不？」

頻婆娑羅王答言：「不也；世尊！」

佛告大王：「於意云何？是人夢中見婬女，與諸人等共相娛樂。覺已憶念，如是之人寧有智不？」

大王答言：「不也。世尊！何以故？世尊！夢中畢竟無有眾人及眾婬女。眾人婬女尚不可得，何況當有共相娛樂？」

※參見《佛說大方等修多羅王經》卷1 (CBETA, T14, no. 575, p. 948, c29-p. 949, a15)：

爾時善逝說此語已，而說頌曰：

「一切唯名字，唯住想分別；名字分別說，而說無所有。

以種種名字，說於種種法；法中無如是，此法諸法相。

名字名字空，名字離名字；諸法無名字，以名字而說。

此法非實有，以分別而生；彼分別亦無，空以分別說。

一切凡夫說，眼能見於色；世間妄分別，取之以為實。

佛之所說法，眾緣集故見；此是行次第，為說第一義。

非眼見於色，意不覺諸法；此是第一諦，非世間所覺。」